

Doc. n. 1: Trascrizione della c. 2v del Catasto del Quartiere di Santa Maria Inter vineas di Ascoli.

In Dei nomine amen. Hic est liber sive quaternus catasti appretii sive extimi communis universitatis et hominum ac populi civitatis Esculi et quarterii Sancte Marie Intervineas continens in se nomina et pronomina omnium et singulorum hominum et personarum dicti quarterii habentium domos possessiones terras vineas molendina plata pascua nemora silvas et alias res quascumque steriles sytas et sita infra circuitum territorium et districtum dicte civitatis Excoli ac etiam in dicto quarterio, et in non nullis castris villis et locis districtus et comitatus eiusdem, cum contratis confinibus extimis et mensurationibus factis mensuratis et exstimatis per providos et circumspectos viros magistrum Benentisum et Colam magistri Benencase de Fulgineo, ser Mactheum magistri Guilielmuthii de Amandula, Paulutium Angelelli de dicta civitate Fulginey, et Valentinum Masii de Axisio mensuratores et exstimatores, positos et electos ac etiam nominatos et conductos per dictum comune dicte civitatis Escoli, prout de eorum electione nominatione et conductione plene dicitur apparere manu providi et circumspecti viri ser Nicolay de Perusio cancellarii et notarii reformationum dicte civitatis Escoli, ad mesurandum adpassandum et exstimandum supradictas domos possessiones terras vineas et alias res supranominatas. Prout in diversis libris et scripturis scriptis manu ser Vangioctii Gentilis de Sarnano notarii et manu mey Venantii Marini Iohannis de dicta terra Sarnani notarii infrascripti, notariorum et officialium positorum nominatorum electorum et conductorum per dictum commune dicte civitatis ad scribendum supradictas domos terras et alias res supranominatas ac etiam, ut asseritur manu ser Anthonii Sante de Monte Monaco notarii positi electi nominati et conducti per prefatum commune, prout de eius electione et conductione plene dicitur apparere manu eiusdem ser Nicolay cancellarii ad scribendum supranominatas domos possessiones et alias res supradictas, nec non ut asseritur manu prefatorum magistri Benentisi ser Macthey Paulutii et Valentini plene patet particulariter et divisim. Ac etiam reductis correctis et ordinatis per eundem magistrum Benetisum exstimatorem et mensuratorem possitum ut asseritur per dictum commune dicte civitatis Escoli, prout de dicta eius electione plene dicitur apparere manu dicti ser Nicolay cancellarii ad reducendum exsti-

mam predictam ad sex denarios pro qualibet libra; et ad corrigendum errores si qui forent in eis, et ad ordinandum eas prout de dictis reductionibus correctionibus et ordinationibus in dictis libris et scripturis manu eiusdem magistri Benetisi plene patet particulariter et divisim. Factus editus compositus et ordinatus ac etiam scriptus transuntus et exemplatus per me Venantium Marini Iohannis de Sarnano notarium infrascriptum, positum electum nominatum et conductum per dictum commune dicte civitatis ad scribendum copiandum et exemplandum componendum et ordinandum catastum predictum, sub anno Domini millesimo CCCLXXXI indictione quarta tempore domini Urbani pape VI die IIII mensis agusti.